



GIG
CYMRU
NHS
WALES

Bwrdd Iechyd Prifysgol
Aneurin Bevan
University Health Board

Dyfodol  Clinigol
Clinical Futures

Diweddariad gan y Bwrdd Iechyd Health Board Update



Newyddion i'ch cymuned News for your Community

12/01/2021

Diweddariadau i chi a'ch cymuned



Croeso i gylchlythyr rhanddeiliaid cyntaf y Flwyddyn Newydd. Byddwn yn parhau i ddarparu'r diweddariadau hyn ar weithgareddau'r Bwrdd Iechyd i'n partneriaid a rhanddeiliaid lleol. Diolch i chi am eich cefnogaeth y llynedd, yn enwedig ar gyfer y rhaglen newid Dyfodol Clinigol, a arweiniodd at agor Ysbyty Athrofaol y Faenor. Bydd egwyddorion Dyfodol Clinigol yn parhau i fod wrth galon popeth rydym yn ei wneud, gyda phwyslais ar gadw gofal mor agos at gartref â phosib.

Mewn rhifynnau blaenorol, rydym wedi siarad am ein safleoedd ysbyty a'r newidiadau sydd wedi bod yn digwydd. Yn y briff hwn, byddwn yn canolbwyntio ar ein Gwasanaethau Plant, i atgoffa ein preswylwyr o'r llwybr newydd ar gyfer gofal ysbyty pediatrig a lanswyd wrth agor Ysbyty Athrofaol y Faenor ym mis Tachwedd 2020.


Mae'r mis hwn yn un prysur iawn i'r Bwrdd Iechyd, ac mae ein staff yn wynebu heriau annisgwyl, gyda phandemig Covid-19 a brechlynnau yn ychwanegu at y pwysau arferol a geir dros y gaeaf o fewn ein gwasanaethau.

Rydym yn gobeithio y bydd y diweddariadau yn y cylchlythyr hwn yn ddefnyddiol i chi, ac os oes gennych unrhyw gwestiynau neu awgrymiadau ar gyfer erthyglau mewn cyhoeddiadau i'r dyfodol, cysylltwch â ni gan ddefnyddio'r cyfeiriad e-bost ar y dudalen olaf. Diolch!

Gofal Iechyd Plant - nodyn i atgoffa

Agorwyd Ysbyty Athrofaol y Faenor ar 17 Tachwedd 2020, ac fe newidiodd y ffordd yr oedd pobl yn defnyddio ein gwasanaethau ysbyty plant ar draws Gwent.

Nawr, bydd plant sydd angen triniaeth frys yn mynd i Ysbyty Athrofaol y Faenor lle bydd meddygon a nyrsys plant arbenigol wedi'u lleoli'n ganolog.



Mae'r holl welyau ysbyty i blant a'r Uned Asesu Brys i Blant nawr hefyd wedi'u lleoli yn Ysbyty Athrofaol y Faenor.

Bydd Ysbyty Brenhinol Gwent, Ysbyty Nevill Hall ac Ysbyty Ystrad Fawr yn parhau i ddarparu ystod eang o apwyntiadau cleifion allanol arferol ar gyfer plant a llawdriniaethau dydd dewisol penodol.

Bydd **Unedau Mân Anafiadau** lleol i blant (dros 1 oed) yn aros yn Ysbyty Brenhinol Gwent, Ysbyty Neuadd Nevill, Ysbyty Ystrad Fawr ac Ysbyty Aneurin Bevan.

Bydd angen i bob plentyn o dan 1 oed gael eu gweld yn Ysbyty Athrofaol y Faenor.

Pa wasanaethau i blant fydd ar gael yn ein prif ysbytai:

	Ysbyty Athrofaol y Faenor	Ysbyty Brenhinol Gwent	Ysbyty Nevill Hall	Ysbyty Ystrad Fawr	Ysbyty Aneurin Bevan
Wardiau cleifion mewnol	✓	X	X	X	X
Uned Asesu Plant	✓	X	X	X	X
Mân Anafiadau	X	✓	✓	✓	✓
Adran Achosion Brys i Blant	✓	X	X	X	X
Cleifion Allanol	X	✓ Ysbyty Gwynllyw	✓	✓	✓



Beth am Wasanaethau Mamolaeth?

Bydd clinigau cynenedigol, genedigaethau arferol dan arweiniad bydwragedd a chlinigau ôl-enedigol yn digwydd yn Ysbyty Brenhinol Gwent, Ysbyty Nevill Hall ac Ysbyty Ystrad Fawr.

Bydd pob genedigaeth dan arweiniad Meddyg Ymgynghorol yn digwydd yn Ysbyty Athrofaol y Faenor, gyda 'chanolfan ychwanegol' ar gyfer genedigaethau dan arweiniad Bydwragedd.

Diweddariad Brechlyn Covid-19

Ers lansio'r brechlyn Covid, mae'r tîm brechu wedi bod yn gweithio'n ddiflino ar y rhaglen frechu fwyaf a welsom yn ystod ein hoes. Hyd yn hyn ar draws Gwent, rydym wedi brechu dros 15,000 o bobl.

Hyd yma, rydym wedi brechu'r holl breswylwyr o 34 allan o 94 o gartrefi gofal i oedolion hŷn a holl staff cartrefi gofal o 63 o'r 94 o gartrefi gofal i oedolion hŷn ledled Gwent. Rydym wedi brechu dros 3,000 dros 80 oed a thros 5,000 o staff rheng flaen.



Yr wythnos diwethaf, agorwyd ein hail ganolfan frechu yn Nhŷ Penallta ym mwrdeistref Caerffili. Yr wythnos hon, mae gennym gyflenwad o 9,675 dos o frechlyn. Yr ydym yn gweithio ar gynlluniau i agor dwy ganolfan frechu ychwanegol yng Nglynebwy, a fydd ar agor Ddydd Iau a Dydd Gwener, a'r Fenni, a fydd yn agor dros y penwythnos. Yr wythnos hon, bydd Tŷ Penallta ar agor ar Ddydd Mawrth a Dydd Mercher. Mae pob canolfan brechu yn gweithio ar sail apwyntiad yn unig a chysylltir â phobl os gofynnir iddynt gael eu penodi. Rydym hefyd yn gweithio gyda Meddygfeydd Teulu a fydd yn dechrau brechu pobl dros 80 oed o'r wythnos nesaf ac rydym eisoes wedi ein helpu i frechu rhai o'n preswylwyr cartrefi gofal.

Byddwn yn parhau i roi'r wybodaeth ddiweddaraf i chi, ond oherwydd nifer o ffactorau amrywiol, fel nifer y dosau y dyrennir i ni, gall cynlluniau newid ar fyr rybudd. Hoffem ddiolch i chi am eich cefnogaeth barhaus a gyda'n gilydd byddwn yn helpu i ddiogelu Gwent.

O 11 Ionawr, bydd Iechyd Cyhoeddus Cymru yn cyhoeddi ffigurau brechu dyddiol ar [eu gwefan](#).

I gael rhagor o wybodaeth a Chwestiynau Cyffredin am ddarparu, cymhwysedd a diogelwch y brechlyn, ewch i: <http://ow.ly/kYyv50D5vR3>



Gwobr Arwyr Cymunedol


Rydym yn falch iawn o'n staff yn Ysbyty Nevill Hall, a dderbyniodd eu Gwobr Arwyr Cymunedol gan Eglwys y Gateway yn Y Fenni ar gyfer eu holl waith caled drwy gydol y flwyddyn hon. Dywedodd Amanda Jones, y Rheolwr Gweithrediadau Cynorthwyol, a dderbyniodd y wobr ar ran y staff a'r cleifion: "Mae pawb yn Nevill Hall yn gweithio ag angerdd a balchder ac rwy'n hynod o falch o fod yn rhan o'r tîm hwnnw ers 1985."



Staff yn Derbyn Cydnabyddiaethau'r Flwyddyn Newydd

Llongyfarchiadau i'r Athro Alka Surajprakash Ahuja a'r Athro Tamas Szakmany, a dderbyniodd wobrau yng Nghydnabyddiaethau'r Flwyddyn Newydd 2021.

Mae'r Athro Alka Surajprakash Ahuja sy'n Feddyg Ymgynghorol Seiciatrydd Plant a'r Glasoed ar gyfer



Bwrdd Iechyd Aneurin Bevan, wedi cael ei dyfarnu ag MBE ar restr Cydnabyddiaethau'r Flwyddyn Newydd 2021. Helpodd Alka i sefydlu a datblygu Gwasanaeth Ymgynghori Fideo GIG Cymru ar gyfer pobl sy'n parhau i wneud defnydd o gyngor a gwasanaethau gofal iechyd o'u cartrefi yn ystod y pandemig.

Mae'r Athro Tamas Szakmany, Ymgynghorydd Gofal Critigol ym Mwrdd Iechyd Prifysgol Aneurin Bevan wedi cael ei ddyfarnu ag MBE ar restr Cydnabyddiaethau'r Flwyddyn Newydd 2021. Mae Tamas wedi bod yn rhan hanfodol o'r tim wrth arwain ein hymateb i'r pandemig Covid, yn ogystal ag ymrwymo ei amser i ymchwil o'r radd flaenaf wrth helpu i ddeall yr afiechyd yn ogystal â bod yn rhan o'r gwaith o dreialu brechlyn Covid.

Dewiswch yn Ddoeth i Ddiogelu Gwasanaethau'r GIG

Oherwydd ar y pwysau ar wasanaethau GIG yn lleol, a waethygyd gan bandemig Covid-19, mae'r Bwrdd Iechyd yn annog pobl ledled Gwent i helpu i ddiogelu gwasanaethau hanfodol ar gyfer y rhai mwyaf anghenus.

Gall pobl 'Ddewis yn Ddoeth' drwy wneud defnydd o wasanaethau eraill amgen yn hytrach na'r Adran Frys pan nad yw eu cwyn yn peryglu bywyd nac yn ddifrifol. Mae Byrddau Iechyd ledled Cymru yn adrodd y gallai tua 20 i 30% o gleifion sy'n mynd i mewn i Adrannau Brys dderbyn triniaeth fwy priodol yn rhywle arall neu mewn modd gwahanol.

Fel rhan o'r ymgyrch 'Diogelu'r GIG', cyngorir pobl i archebu presgripsiynau 7 diwrnod cyn mae eu hangen; defnyddio eu fferyllfa GIG leol a gwasanaeth y Meddyg Teulu ar gyfer mân anhwylderau neu anafiadau, defnyddio gwefan 111 / NHS Direct Cymru neu ffonio 111 ar gyfer cyngor iechyd am ddim drwy wirwyr symptomau ar-lein ar gyfer mân anhwylderau.

Atgoffir pobl hefyd i beidio â mynd i'w fferyllfa, eu Meddyg Teulu neu Adran Frys, os oes ganddynt symptomau COVID. Yn hytrach dylent archebu prawf drwy 119 a ffonio 111 os bydd y symptomau'n parhau neu os na allant ymdopi gartref mwyach.

Os hoffech chi gael rhagor o wybodaeth neu os bydd gennych chi unrhyw gwestiwn, cysylltwch â ni drwy ABHB.enquiries@wales.nhs.uk neu drwy'r cyfryngau cymdeithasol:



@BwrddIechydAneurinBevan



@BIPAneurinBevan



@BIPAneurinBevan



GIG
CYMRU
NHS
WALES

Bwrdd Iechyd Prifysgol
Aneurin Bevan
University Health Board

Dyfodol Clinigol
Clinical Futures